

KANTON SARAJEVO KANTONALNA UPRAVA ZA INSPEKCIJSKE POSLOVE

Ulica Aleja Bosne Srebrene bb 71 000 Sarajevo

ID broj: 4201454710002

koju zastupa direktor Fahir Halilović, (u daljem tekstu: Kupac)

BUNJO DOO

Ulica Alipašina bb 71 000 Sarajevo

ID broj: 4200127900004

koju zastupa direktor Enes Bunjo, (u daljem tekstu: Prodavac)

UGOVOR O KUPOPRODAJI MOTORNIH VOZILA

Član 1.

(Predmet ugovora)

Predmet Ugovora je nabavka i isporuka motornih vozila prema tehničkim karakteristikama i uslovima ponude broj: J.O./030-2020 od 27.08.2020. godine zaprimljene pod brojem 14-03-11-03736/20-5 od 07.09.2020. godine.

Član 2.

(Tehničke karakteristike vozila)

Prodavac prodaje, a kupac kupuje dva (2) putnička motorna vozila iz člana 1. ovog ugovora sljedećih tehničkih karakteristika:

- **Putnička motorna vozila 2 (dva) komada**
- 1) Marka: TOYOTA,
- 2) Model vozila: YARIS 1.5 WTI,
- 3) Tip: limuzina,
- 4) Snaga motora: 111 KS,
- 5) Zapremina: 1496 cm³,
- 6) Gorivo: benzin,
- 7) Broj vrata: 5,
- 8) Boja karoserije: bijela,
- 9) Mjenjač: manuelni (6+R),
- 10) Broj sjedišta: 5,
- 11) Pogon: prednji,
- 12) Godina proizvodnje: 2020.

Član 3.

(Obim isporuke)

Obim isporuka iskazan u tački 1. ovog Ugovora, obuhvata:

- isporuku vozila u prostorijama Kupca,
- održavanje vozila u garantom roku.

Član 4.

(Vrijednost ugovora)

(1) Ukupna vrijednost ovog ugovora iznosi:

Ukupna cijena bez PDV-a	39.384,62 KM
PDV 17 %	6.695,38 KM
Ukupna cijena sa PDV-om	46.080,00 KM

Slovima: (četrdesetšesthiljadaosamadeset KM).

(2) Cijena po ovom Ugovoru podrazumijeva paritet fco Sarajevo, isporučeno na sjedište Kupca (ul. Aleja Bosne Srebrene bb), ocarinjeno, bez poreza na promet.

Član 5.

(Način plaćanja)

Plaćanje za uredno isporučenu robu će se izvršiti u roku od 30 dana od dana isporuke robe i izdavanja fakture.

Fakturisanje i plaćanje motornih vozila tereti pozicije:

- Na Kantonalnu upravu za inspeksijske poslove Kantona Sarajevo fakturisati:

- *Motorno vozilo TOYOTA YARIS 2 kom.*

Član 6.

(Rok isporuke)

Rok za isporuku motornih vozila iz tačke 1. ovog Ugovora je u roku od 10 dana od dana potpisivanja ugovora.

Član 7.

(Primopredaja)

(1) Primopredaja motornih vozila vrši se potpisom otpremnice a ista se potpisuje nakon kvalitativnog i kvantitativnog prijema motornih vozila, koju će izvršiti Kantonalna uprava za inspeksijske poslove Kantona Sarajevo.

(2) Ukoliko se pregledom utvrdi da kvalitet i kvantitet ponuđenih motornih vozila ne odgovara traženom i ponudom utvrđenom kvalitetu i kvantitetu, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu prodavca.

Član 8.

(Garancija)

(1) Za ugovorena vozila iz tačke 1. ovog Ugovora Prodavac daje garanciju na kvalitet i funkcionalnost u trajanju od minimalno **5 (pet) godina od dana isporuke kako slijedi:**

- garancija na motor
- garancija na karoseriju
- garancija na lak/boju

- (2) Prodavac se obavezuje da će ukoliko se ustanove kvarovi u garantnom roku iste otkloniti najkasnije za 45 dana, a ako kvar ne otkloni u ovom roku, zamijenit će vozilo novim bez naknade.
- (3) Garancija za motorna vozila obuhvata sve kvarove nastale usljed grešaka u projektovanju, proizvodnji i materijalu.
- (4) Garancija podrazumijeva obavezu davaoca garancije (proizvođača) da bez naknade otkloni sve nedostatke i/ili neispravnosti koje su nastale na vozilima za vrijeme trajanja garancije, a koje se mogu smatrati greškom proizvođača. Garancija obuhvaća popravku ili otklanjanje utvrđenih nedostataka i/ili neispravnosti, ili zamjenu neispravnih dijelova.
- (5) Kupac gubi pravo na garanciju ako u toku garantnog perioda, bez pristanka ovlaštenog servisa, sam ili putem trećih lica vrši popravke na predmetu Ugovora.

Član 9. **(Obaveze Kupca/Prodavca)**

- (1) Kupac i Prodavac se obavezuje da u roku od 24h od potpisa Ugovora obavijeste Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.
- (2) Prodavac se obavezuje da će po isteku garantnog roka obezbijediti Kupcu nabavku rezervnih dijelova u periodu od najmanje 36 mjeseci, kao i da će omogućiti Kupcu ukoliko on to bude tražio sklapanje Ugovora o održavanju vozila.

Član 10. **(Autorska prava)**

Prodavac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

Član 11. **(Način rješavanja sporova)**

Sve eventualne sporove koji proisteknu iz ovog Ugovora rješavati će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

Član 12. **(Stupanje na snagu ugovora)**

- (1) Ugovor se dostavlja na potpis izabranom ponuđaču u skladu sa članom 72. stav (1) ili članom 98. stav (5) Zakona o javnim nabavkama ("Službeni glasnik BiH" broj:39/14).
- (2) Ponuđač je dužan prihvatiti i potpisati ugovor u roku od 3 dana od dana prijema istog, u suprotnom će se smatrati da ponuđač odustaje od ugovora.

Član 13.
(Završne odredbe)

- (1) Prodavac nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.
- (2) Sve eventualne dopune i izmjene ovog Ugovora moguće je obaviti nakon provođenja zakonom utvrđenih procedura, pismeno, potpisivanjem novog Ugovora, uz saglasnost ugovornih strana.
- (3) Ovaj ugovor je sastavljen u 4 (četiri) istovjetna primjerka od kojih svaka ugovorna strana dobija po 2 (dva) primjerka.

KUPAC

KANTON SARAJEVO
Kantonalna uprava za inspeksijske
poslove

Fahir Halilović



PRODAVAC

BUNJO DOO

Enes Bunjo



Ugovor broj: 14-03-11-03736/20 - 9
Sarajevo, 25.09.2020. godine

J.O. / 035-2020/
25.09.2020